



DECRETO

**Expediente.- 2023/EGFAB/000044**

**Asunto: Aprobación convocatoria do Concurso de disfraces de Antroido 2023**

- I. En data 01/02/2023 a Terceira Tenente de alcalde delegada de Cultura e Normalización Lingüística dictou Providencia de incoación do procedemento de convocatoria do Concurso de disfraces de Antroido 2023 e ordeando que se elabore a proposta da convocatoria polo Programador Cultural, incluíndo na mesma os condicionantes que se especifican en dita providencia.
- II. O 02/02/2023 A proposta do Programador Cultural foi formulada na mesma data.
- III. No expediente consta o informe xurídico da responsable da Unidade Xurídica e o informe favorable do Interventor Municipal .

Polo exposto, en virtude das facultades que me atribúe o artigo 3 da “Ordenanza reguladora das bases de subvencións do Concello de Oleiros”,

**RESOLVO:**

**Primeiro.-** Aprobar a seguinte convocatoria do concurso de disfraces que terá lugar o venres 24 de febreiro de 2023 no Pavillón Polideportivo Arsenio Iglesias de Santa Cruz:

**“CONVOCATORIA DO CONCURSO DE DISFRACES DO ENTROIDO 2023**

*Ao abeiro da Lei 38/2003, do 17 de novembro, xeral de subvencións, e da Ordenanza reguladora das bases de subvencións do Concello de Oleiros, convócase polo Departamento de Cultura do Concello un concurso de disfraces de Entroido, que se rexerá polas seguintes normas:*

**1ª.- Obxecto**

*É obxecto desta convocatoria premiar aos mellores disfraces individuais, de parellas ou grupais que se presenten ao concurso, que se celebrará o venres 24 de febreiro de 2023 no Pavillón Municipal Arsenio Iglesias, de Santa Cruz.*

**2ª.- Importe da convocatoria e aplicación orzamentaria**

*O importe da convocatoria ascende a 5.200 euros, que se imputarán á aplicación orzamentaria 80.3340.48001. (Cultura. Promoción Cultura. Premios Entroido).*

**3ª.- Requisitos dos participantes**

- 1. Na modalidade individual poderá participar calquera persoa que teña cumpridos 18 anos ou ben 16 anos, con autorización asinada de pai/nai/titor.*





*Na modalidade de parella permitirase a participación de persoas menores de 18 anos, sempre e cando o outro membro teña como mínimo 18 anos.*

*Na modalidade de grupo permitirase a participación de persoas maiores de 16 anos, sempre e cando o representante do grupo teña como mínimo 18 anos. No caso de participación de menores de 16 anos non poderán supoñer máis do 50% do total do grupo.*

*As idades sinaladas anteriormente deberán estar cumpridas no intre da inscrición.*

2. Poderase participar nunha das seguintes categorías:

- "GRUPOS" (entre 3 e 25 persoas)
- "INDIVIDUAL-PARELLAS" (1 ou 2 persoas).

*Deberá elixirse só unha das categorías, de xeito que un mesmo disfrace non poderá participar nas dúas categorías. De detectar esta situación eliminarase da categoría individual.*

*En caso de que ao cubrir o formulario se marcasse a categoría equivocada, se lle atribuirá de oficio a que lle corresponda.*

#### **4º.- Características e limitacións dos disfraces:**

*Non se permitirá a participación no concurso nin o acceso ao recinto de ningún elemento ou estrutura como carrozas, vehículos, carromatos ou similares, tanto flexibles como ríxidas.*

*As dimensións do disfrace que porte a persoa (e que debe estar unido ao corpo da persoa) non debe superar as seguintes medidas: 1,20 m de ancho x 1,50 m de longo e 2,50 m de alto.*

*Non poderán utilizar ningunha substancia que poida ser inflamable ou perigosa.*

*Non poderán participar no concurso aqueles disfraces que xa participaran en edicións anteriores.*

*Poderán ser excluídos disfraces que pola súa temática ou elaboración podan resultar vexatorios ou discriminatorios, a criterio do órgano convocante.*

#### **5º.- Inscricións.**

a) *As inscricións deberán facerse no formulario que se publicará na web municipal e deberán presentarse:*

- *A través da Sede Electrónica Municipal (<https://sede.oleiros.org/portal/sede>)*
- *Presencialmente no Rexistro sito no Edificio a Fábrica, Rúa do Inglés, 13. 15172-Perillo, Oleiros.*

b) *O prazo de presentación iniciarase o día seguinte á publicación do anuncio desta convocatoria no BOP e rematará o 24 de febreiro de 2023, ás 12:00 horas.*

c) *No caso de que unha persoa presente por erro varias inscricións na mesma categoría, darase por válida a última presentada.*

d) *En caso de inscrición de grupo, os datos que deben constar na solicitude serán os dun membro do grupo, que se considerará representante do mesmo a todos os efectos.*

*En caso de que o grupo participante sexa unha ENTIDADE VECIÑAL, SOCIAL OU CULTURAL, deberán constar os datos do representante legal xunto cos da propia entidade.*





e) *En función da orde de inscrición asignaráselles aos solicitantes un número de dorsal.*

*O dorsal deberá ser recollido polo solicitante:*

*- na Conserxería do Edificio A Fábrica, sito en Rúa do Inglés, 13. 15172-Perillo, Oleiros, o xoves 23 de febreiro en horario de 8.30 a 14.30 horas e o venres 24 de febreiro en horario de 8.30 a 12.00 horas*

*- no Pavillón Municipal Arsenio Iglesias o venres 24 de febreiro, entre as 16:00 e as 18:00 horas.*

f) *A participación do concurso levará implícita a aceptación das bases.*

### **6º.- Desenvolvemento do concurso.**

*O concurso terá lugar o venres 24 de febreiro no Pavillón Municipal Arsenio Iglesias, de Santa Cruz.*

*O número do dorsal que lle fora asignado determinará a orde de presentación no escenario.*

*Os disfraces participantes realizarán un desfile subindo ao escenario a partir das 19:00 horas.*

*No desfile só se poñerá a música de fondo seleccionada pola organización.*

*As persoas participantes non poderán estar máis de 2 minutos enriba do escenario, o suficiente para desfilar e que público e xurado poidan observar os disfraces.*

*Durante a celebración do concurso poderán efectuarse gravacións e fotografías, incluíndo ás persoas participantes e asistentes, estas fotografías poderán ser utilizadas nos medios que o Concello de Oleiros estime oportuno.*

*Ao remate do desfile as persoas compoñentes do xurado reuniranse para fallar o resultado e comunicalo publicamente.*

*Os criterios que o xurado deberá ter en conta para outorgamento dos premios serán os seguintes:*

- *estética, orixinalidade e creatividade,*
- *posta en escena,*
- *detalles de maquillaxe, máscaras e demais complementos*
- *elaboración propia e artesanal.*

*Cada membro do xurado outorgará un máximo de 10 puntos a cada un dos criterios, outorgando un máximo de 40 puntos a cada unha das propostas.*

*O xurado deberá emitir unha acta coas valoracións e a proposta de gañadores, no modelo que lle será proporcionado pola Concellería de Cultura, e deberá ser asinada por todos os membros do xurado presentes no acto.*

*Á vista da acta, a Alcaldía resolverá o outorgamento dos premios.*





### **7º.- Xurado**

*O xurado estará composto polo Alcalde ou pola persoa en quen delegue, como Presidente, un/ha traballador/a municipal, que actuará como secretario/a, e tres vogais designados pola Alcaldía entre persoas que formen parte do movemento veciñal ou especialmente relacionadas coa festa do Entroido ou o ámbito artístico-cultural.*

*O/A Secretario/a non terá dereito a voto.*

### **8º.- Premios**

1. *Establécense os seguintes premios:*

⇒ Modalidade Grupos

*1º premio: 1.500 €*

*2º premio: 1.000 €*

*Dous 3º premios de: 500 €*

*Un accésit: 400 €*

⇒ Modalidade Individual-Parellas

*1º premio: 400 €*

*2º premio: 300 €*

*Dous 3º premios de: 200 €*

*Dous accésit: 100 €*

2. *Os accésits serán adxudicados polo xurado se así o considera conveniente, atendendo á calidade global de todos os disfraces participantes, ás características do disfrace ou da súa posta en escea, debendo o xurado argumentar os motivos do seu fallo.*

### **9º.- Pago dos premios e requisitos dos gañadores**

*O pago dos premios efectuarase con posterioridade ao concurso, a través de transferencia bancaria. A estes efectos, o Concello requerirá ás persoas gañadoras a documentación imprescindible para poder efectuar o pagamento.*

*O aboamento dos premios realizarase a nome da persoa que formulara a solicitude de participación.*

*Os premios estarán suxeitos á retención do IRPF correspondente.*

*Antes do pago deberá acreditarse que a persoa gañadora non ten débedas coa Seguridade Social, AEAT ou co Concello. A estes efectos, a presentación da solicitude de participación implica a autorización ao Concello para comprobar de oficio estes extremos nas Administracións correspondentes.*





### **10º.- Concurso deserto e exclusións**

*O xurado poderá declarar deserto calquera dos premios en caso de que considere que ningunha das propostas presentadas acadá un nivel de calidade mínimo.*

*A organización e o xurado poderá descualificar en calquera momento do proceso, aqueles disfraces que incumpran as normas recollidas nestas bases.*

*O xurado poderá excluir do concurso a aqueles participantes que se comporten indecorosamente ou exhiban condutas que poidan considerarse ofensivas, vexatorias ou de mal gusto, tanto cara ao público como cara á organización.*

### **11º.- Normativa reguladora e interpretación.**

*A presente convocatoria rexerese, ademais de polas normas expresadas na mesma, pola Ordenanza reguladora das bases de subvencións do Concello de Oleiros; pola Lei 38/2003, de 17 de novembro, Xeral de Subvencións, nos preceptos que constitúen lexislación básica do Estado, de acordo co disposto na súa Disposición final 1ª; a Lei 9/2007, do 13 de xuño, de subvencións de Galicia, en todo o demáis; o Real decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións; a Lei 39/2015, de 1 de outubro, do Procedemento Administrativo Común das Administracións Públicas e demáis normas de dereito administrativo e, no seu defecto, aplicaranse as normas de dereito privado.*

*Compete ao órgano convocante a prerrogativa de interpretar esta convocatoria.*

*Corresponderá ao presidente do xurado resolver calquera circunstancia non prevista nestas bases e que poida alterar o normal desenvolvemento do concurso.*

### **12º.- Autorizacións**

*A presentación das solicitudes supón a aceptación íntegra da convocatoria e das condicións, requisitos e obrigas contidas nela, e ademais implica polos participantes a aceptación incondicionada da seguinte cláusula:*

- *A autorización ao concello para a publicación na páxina web, redes sociais e publicacións da súa titularidade do nome e apelidos dos concursantes e premiados, así coma fotografías e vídeos dos mesmos nos actos de entrega de premios ou na participación no acto obxecto do concurso.*

### **13º.-Protección de datos**

*O responsable do tratamento é o Concello de Oleiros, que tratará os datos con finalidade de xestionar a inscrición e participación no concurso ou certame. Os datos conservaranse mentres sexa necesario para cumprir coa finalidade prevista e durante os prazos de prescrición legal. Os datos non serán cedidos, agás se é necesario para a xestión ou entrega do premio, e salvo obrigación legal. Non haberá transferencia internacional de datos. Poderase exercer os dereitos de acceso, rectificación, supresión, oposición e limitación na sede electrónica do Concello de Oleiros, presencialmente no Concello ou en [dpd@oleiros.org](mailto:dpd@oleiros.org) Poderase contactar co Delegado de Protección de Datos no mesmo correo ou dirixirse ante a Axencia de Protección de Datos (C. de*





Jorge Juan, 6, 28001 Madrid, [www.aepd.es](http://www.aepd.es)). Máis información na política de privacidade na web municipal e no Rexistro de Actividades de Tratamento no Portal de Transparencia

FORMULARIO DE INSCRICIÓN

**INSCRICIÓN NO CONCURSO DE DISFRACES DE ENTROIDO 2023**

NOME DO DISFRAZ	
Nº DE COMPOÑENTES	

DATOS DO/A SOLICITANTE OU REPRESENTANTE DO GRUPO			
Nome e apelidos			
NIF		Teléfono/s	
Enderezo			
Localidade		Código postal	
Data de nacemento			
Enderezo electrónico a efectos de notificacións			

**MODALIDADE (marcar só unha opción)**

- INDIVIDUAL/PARELLA  
 GRUPO

**En caso de que o/a participante na modalidade individual sexa un/unha menor de idade con 16 ou 17 anos deberase cubrir e asinar a autorización adxunta\* por parte do pai/nai/titor/a legal e adxuntar copias da documentación requerida nesta autorización.**

**En caso de que o grupo participante sexa unha ENTIDADE VECIÑAL, SOCIAL OU CULTURAL, deberán cubrirse ademáis os seguintes datos:**

Nome da entidade			
NIF		Teléfono/s	
Enderezo			
Localidade		Código postal	





**O SOLICITANTE DECLARA QUE:**

- *Coñece e acata incondicionalmente o contido das normas da convocatoria do concurso, que foi aprobada polo concello e publicada no BOP de A Coruña, aceptando as obrigas derivadas das mesmas.*
- *Coñece e acepta a política de protección de datos sinalada nas bases.*
- *Coñece e acepta que no caso dos grupos os/as menores de 16 anos non poderán supoñer máis do 50 % do total do grupo, e que no caso de ser premiados se someterán á oportuna comprobación de ditos datos se o concello o esixe.*
- *No suposto de ser premiado/a, autorizo ao Concello de Oleiros para obter telemáticamente os certificados de que estou ao corrente coas obrigas tributarias e da Seguridade Social dos organismos titulares da devandita información.*

**SOLICITA:**

*Presentar a súa candidatura ao Concurso de Disfraces 2023 convocado polo Concello de Oleiros.*

DATA	
SINATURA	

**\*AUTORIZACIÓN DE PARTICIPACIÓN NA MODALIDADE INDIVIDUAL DO CONCURSO DE DISFRACES DE ENTROIDO 2023 DO CONCELLO DE OLEIROS PARA MENORES CON IDADE DE 16 E 17 ANOS**

Don/Dona \_\_\_\_\_

Con DNI \_\_\_\_\_ e teléfono de contacto \_\_\_\_\_ en calidade de pai/nai/titor legal do/a menor \_\_\_\_\_

Con DNI \_\_\_\_\_ e data de nacemento \_\_\_\_\_

- Autoriza a súa participación na modalidade individual *do concurso de disfraces de entroido 2023* sen compañía dunha persoa adulta, e adxunta fotocopia dos DNIs, pasaportes ou libro de familia das persoas implicadas nesta autorización.
- Exonera á organización da súa protección e custodia, sendo él/ela mesmo/a quen vele pola súa seguridade e benestar durante a celebración do evento.
- Acepta que o/a menor sexa identificado/a no momento que a Organización do evento considere oportuno.





CONCELLO DE  
OLEIROS

> CULTURA

DATA	
SINATURA	

**Segundo.-** Autorizar un gasto de 5.200 euros para facer fronte aos gastos derivados dos premios.

**Terceiro.-** Dar publicidade á presente convocatoria mediante anuncio no Boletín Oficial da Provincia a través da BDNS. Asemade, publicala na páxina web municipal.

En Oleiros, asinado dixitalmente na data que figura na marxe polo Sr. Alcalde, e o Secretario/a accidental, que da fe. (Asinado aos efectos exclusivamente do artigo 3.2 do RD 128/2018 de 16 de marzo e o artigo 2.1 do Decreto 24/2018 do 15 de febreiro).

